

Amandekö ne eming'öörö Willem de Vink

Yesu Masiya

Omotoori o se yoose.

Yesu Masiya Willem de Vink



AMANG'ANA AMAKÖNG'U



Abhaasaka: N-anyangi e koryoka kwo Yesu. Simoka yaache neere kohiita ghotingoribhu kwo Abhiisiraeri koru Miisiri. Anyangi iyo yoose, :neebherekiiru Abhaasaka.




Abhiibhuriya: mo-Bhiibhuriya noghotoro ghusöma kinya Eryobha rekwiheëbhëra abhaato na kinya reekubha nabho.

Akörö Ahörëëru: N-Akörö e Ryobha ino ekwënda kumanya moose e bhaato bhano bhakomutambana Yesu.



Amasabhi: N-ghosiikëra ne Eryobha, gho ghenkirinkiri hamu kwo maraka na koritëghëërëra iryo.

Amasari: N-amang'ana ghano toghuköra ghano Eryobha retaakwënda na ngaghughëri itu twange kohikera obhorwachi bho Ryobha gho ghiri yiito.



Erishambu: N-omobhisa o Ryobha na abhaato, uno ataakorighibhu. (Wiiki namënyëkiine kinya omobhe).

Ghugharuka: Ebheghiro bhyose mbeekubha bhihë eriibhagha re ghugharuka Yesu mo-se. Erishaaro na ase mbeghugharoru ne Eryobha.



Koryokibhu: Yesu :naaryokiri koru mo-bhaku. Orosiko rumu abhaato bhoose mbakoryokibhu koru mo-bhaku. Reramara Eryobha ndekobhatenera ekiina abhaato bhoose.



Kwabhëra: Eryobha ndehaabhera, nangabha ataanyi-ho omotoo uno arëng'aniire. Eryobha ndehaabhera aribha hëënë iye notuukuuniri amasari na nokwënda ghwhigharura. Okwabhëra nkohaabhönëka gho kubha Yesu :niimokiri anchagho yiito ino itu turëng'aniire kubhëna.

Marayika: N-omuhöki o meremo o Ryobha uno ataakorighibhu.

Masiya: N-omutëmi uno ahakuru amaghuta. Masiya n-kwo ghighambo ghe Kebhuraaniya. Mo-ghighambo ghe Keyunaani, n-Kirisito.

Obhokumi: Korekumi Eryobha gho kiire :riiraghiri ghoghiköra.

Obhughöötani: Abhaghëndi bha Yesu mbahaahiita oroko rooche na koryoka kooche, kwo mughaate na adivaayi.

Obhuhöru bho miishe ghyose: N-eriimanya haghirohamu na Yesu kinya Eryobha reere ryëndiri. Noghokinda oroko na teenyi-ho antenero.

Obhutëmi bho Ryobha: Obhutëmi bho Ryobha mboonyi hano abhaato bhakoresooka.

Omoona o Ryobha: N-eriina re Yesu. N-Eryobha rino :riichiri mo-se kinya omotoo, kinya Omoona o Ryobha.

Omotomu: N-omughëndi o Yesu.

Omusarabha: N-egheghiro ghe kunyaakeri abhaato kino :kiihökiiru komumambëra Yesu gho kwënda kooche omwene. :Niibheere ekimanyenkereri kwo bhaghëndi bhoose bha Yesu.

Orubhagho: N-ebheghiro bhyose ebhichömu bhino Eryobha rekwënda kobhaha abhaato bhano bhaghuköra kino rekwënda.

Yesu: N-eriina re Moona o Ryobha, egheteemoro keeche, 'Eryobha ndeghotoori.'



YESU MASIYA N-NIWE?

Yesu :naamanyiri hano mo-se kinya emeeka 2,000 ghino ghehetiri mo-se e Isiraeri. Ntokomobherekera 'Yesu Masiya' hamu 'Yesu Kirisito'. Ekebhune keeche n-kubha n-Omutëmi. Taanyi kubha n-Omutëmi okwene. Yesu :naabherekiiru 'Omoona o Ryobha,' na wiiki 'Omoona o Mooto'. Ino neenyi ne ekebhune kubha, Iwe n-Eryobha wiiki n-omooto. Amang'ana gha Yesu ngaghosiikëru mo-Bhiibhuriya.


ERIIBHAGHA RE YESU

Eriibhagha riito ntoghusëëma gho kwibhoru kwo Yesu. Abhaato :mbaaköriri orughëndö gho ghughënda, hamu gho ghotiira atikere, hamu abharaasi hamu angamiya. Ahanene iyo Bhuraya, na iyo Roghoro e Ghate, ne eribhaara re Masaabha re Afirika ndeere rerakangatu na Abharuumi. Abhaato bhaaru bhataamënyiri ghusöma na kwandëka, amare Abhiisiraeri :mbaatoriri. :Mbaabherekiiru, 'abhaato bha ghitabhu'.

Eryobha ndeghosiikëra mo-ghitabhu, nikyo Abhiibhuriya. Iryo n-itëëmi re bheghiro bhyose na ndekwënda ribhe no obhusaani no omooto woose. Yesu :nëërëkiri riyo haheero chwee.



ISIRAERI ERIIBHAGHA RE YESU



Omoghya omokoro: Yerusareemu

Emiköowa: Ghariraaya, na Samaariya, na Yuteya.

Obhokoro: Kinya chakiromeeta 28,000


Atëëmö e se: Eriiteneka n-Turoopiki

Asiyasa: Korwera omooka 63 korwera hano Kirisito are akeere kwibhoru, Abhiisiraeri mbaare bharakangatu na Abharuumi

Aserekaare: Bhontiyo Bhiraato naare omukangati o Bharuumi, mo-se e Isiraeri. Tibheeriyo, Kayisaari o Keruumi, :naabhakangatiri woose.

Atiini: Atiini e Kiyahuuti. Abhayahuuti mbaare ne Erisëngërö Yerusareemu. Abhachaama :mbaaköriri emeremo myaru ghe tiini na mbaare-ho abheeghi (kinya bhuure Amabharisaayo) bhano mbaare bharëëndëru kwërëkërëri abhaato ameeghi gha Bhiibhuriya.


Eghighambo: N-Ekebhuraaniya (nikyo keere eghighambo ke Bhayahuuti), Ekeyunaani (nkeere eghighambo ghe chaase chaaru), Ekiratiini (nikyo keere eghighambo ke Bharuumi).



Ngwake abhaato bhaaru bhiikomiine mo-rooche?



Mwisëëmi. Obhutëmi bho
Ryobha ^bhokaacha.



Musëëmë
eriimanya eriihë.



Ahaache e ghotenera ekiina
ke Ryobha nisëëmuru
ghotena emerya ghe mote.



Omote wowoose uno
otaaghusönga amakorobhese
amachömu nokonungu na
kurëkëru mo-mororo.




Hande abhe itu bhoose
ntokonungu. N-niwe
uno aghotora kumanya
eriimanya ichömu?

Mahëënë. Taanyi-ho omooto uno
aghotora kwibhareka ghoteneru ekiina
ne Eryobha. Amare eni ndamara koheta,
nakuucha uno aghugharura
inkong'orimu eriimanya reenyu.



Kana? mahëënë mokwënda
eriimanya reenyu riigharure?
Mbe, motuukuunere amasari
ghaanyu na muuche mubhatiisu
mo-manche ghano.





Mweghuru amasari ghaanyu.
Ibheere mumariri ghwisëëmi
kumanya eriimanya eriihë.

Omooto woose iyo mo-rooche,
nahaamobherekera omuraghani uyo,
kwo riina re Yohana omubhatisaachi.

Eni nteenyi egheghiro,
nekomusëëmëra anchëra
uno akuucha ghotobhoorera
Waryobha n-niwe.
Naghotubhatiisa gho Körö e
Ryobha na kwo mororo o
Ryobha. Egheghiro kinya
kiyo ngekobhagharura
inkong'orimu.



Na ndamara...



Eni
nekwëndëru
nibhatiisu
na niye.



Iye köra hang'u.
Niho okohikeerani
amiigha gha
Ryobha.




Taata, obhutëmi
bhoocho bhuuche
na rino okwënda
riköru.



Bhakamara
bhakooghu eriiraka
koru Mwishaaro...

Hee, iye niye
Omoona waane
omosiighani.
Neghosiighiri na
noghontegheri.





Eriibhaghar ino, niho Yohana omubhatisaachi :asëëmiriA bhiisiraerig ho kuucha kooche Masiya.E riibhaghar iyo, Abhiisiraeri n-eriiteneka isuuhu hang'ur eerer eb hutëmi obhokoro bhoK eruumi.

Abhayahuutim o-se eI siraeri mbakwiyoghum -bhatöbhun a abhaato mbakobhiibhoneereri. Abhaatom baghwitëng'ëra kwo miigha,e riibhaghar ino Masiya akuucha. Masiya uyo, niwe Omotoori uno :araghuru kuucha kooche mo-mandëkö ghaB hayahuuti. Iwe naghuchaamio bhuhëënëb ho Ryobha.




Hayo mo-rooche ro Yorotaani, Yohana omubhatisaachi akabhëërëki Yesu gho kômööröta...


Mööhi, Wuure niwe Omoona o Ng'öndu o Ryobha uno aghogharuusi amasari gha mo-se.



Hano Yesu amariri kubhatiisu, Akörö e Ryobha ekamukangata ghuye mwibhara.



Aghiikara iyo gho chaasiko miröngö ene obhotiko no omwishe, ataakurë egheghiro ghyokyose. Hano are iyo akabha arasabha na kwiyma ebhiinyakurë, aghatora kumënya bhoheene emeremo gheeche.



Yesu nakwëndëru aghëërëkani mo-se amënda gha Ryobha kubha abhönë ghokinda. N-obhorwachi bho Ryobha kubha, abhaato bhoose bhiisache no obhobhe bho roko.



Yesu aghasakibhu ne Erishambu, omukangati o keng'uuri uno ataakorighibhu, uno aghukangata ase e roko ne e bhobhe.

Taata, neghuköra ryoryose rino okwënda.

Amare Erishambu, omwigharori waache, reghasaki komuha Yesu amiihëëbhö amabhe kubha retore komotebHITEBHI atahikeerani emeremo ghe Ryobha.

Aribha iye hëënë n-Omoona o Ryobha onyi, mbe, gharura amabhohe ghano ghabhe omughaate.

Tiyaanyi! Yandëkuru mo-ghitabhu kubha, Omooto taaghotora kumanya gho kurë omughaate okwene, amare nakwëndëru singa akörë amang'ana ghano Eryobha reghosiikëra.

Aribha iye hëënë n-Omoona o Ryobha onyi, Hëënëhi! Irëkëra haase koru a-rososooni ro Risëngërö. Kana tyandëkuru kubha bhamaraayika mbaghokwimoki mo-mabhökö ghaabho?

Mööhi. Neghokuha obhukangati bhoose bho mo-se, aribha oriihiinya na ghunsëngëra.


Hano rimariri, Erishambu rekamotigha Yesu. Kwo riibhagha riyo, Bhamarayika bhakaacha komusakeri.

Yandëkuru wiiki kubha, Otamusaki Waryobha.



Nooru hano Erishambu! Yandëkuru kubha, Nkwëndëru tusëngërë Eryobha na korihökëri eryene chiri.


Yesu hano are aragharuka Ghariraaya, aghiichoribhu Akörö Ahörëëru. Yesu akëëngëra ghokora mo-muköowa uyo, uno ore na abhaato bhaaru chwee, noore eribhaara re bhachuuta re Isiraeri. Hano are ariinaara araraghani Ang'ana Anchömu, abhaato bhaaru bhaghaghöötana nawe. :Mbiihëëbhiri na kwibhoori kubha Yesu niwe Masiya uno amang'ana ghaache :ghaandëkuru na abharööti.

Anyangi e riirugha eghaköru mo-moghya o Kana
uno onyi mo-bheghoro bhe Ghariraaya...




Yesu woose akabha anyi
mo-nyangi iyo, haghirohamu
na nyina, na abhasaani
bhaache abhande.





Kabherenawumu n-omoghya o bhaweesani uno ore orachaama rubhareka ro nyancha e Ghariraaya. Hayo niho Yesu :asëmiri ghosiikëra haheero ighoro e bhutëmi bho Ryobha.



Bheetero, ntohire obhwato mbagha mo-ghetibhokera, iyo niho murëkërë charwërö cheenyu.

Na hano niho :ahwire abhaanabheegha bhaache a bhambërë.



Omutëmi, ntwiköng'iri obhotiko bhoghima, koru totaabhwine ghyokyose kiire.




Amare gho kubha niye ^okabhugha hang'u...



Ekeroghooro. Ntiimara ndighi ino.





Yakobho, Yohana,
muuche hano!
Totaamara
koveesana chaasu
chaaru kinya chino!




Nooru ghokoone Omutëmi.
Gho kubha eni n-omooto o
masari neenyi.

Otatiina, Bheetero!







Muuche muntambane,
nekobhaköra mubhe
abhaweesani bha bhaato.




Muntambane.

Yesu aghataarëra chambaara
choose che Ghariraaya
haghirohamu na abhaanabheegha
bhaache. Akeeghi abhaato bhoose
ighoro e bhutëmi bho Ryobha.
Akahöri amabhabharu gha manga
ghoose na kuhëëbha emisambu.
Abhaato bhakaroghoora na
komutambana. Abhande bhaakaru
mo-miköowa haghare na
Yerusareemu, omoghya omokoro o
Isiraeri. Bhaghatëghëërëra
bhoheene ang'ana yoyoose ino
asikiire.





Mobhakörërë abhaato
abhande kinya bhuure
mokwënda mukörëru inyu.



Mobhasiighe abhabhisa
bhaanyu na kobhasabhera.



Mukörë amachömu mo-kebhisere,
ino motakwiyëërëkani ambërë e
bhaato.




Wowoose wuure
akomumööhërëri omukari gho
komwighomba kubha
amubhönë, namariri ghutaara
nawe mo-körö yaache.




Eriisho n-ekemore ke mobhere.
Aribha eriisho reecho n-ihöru, mbe,
omobhere waacho woose nookubha
mo-bhwero. Amare aribha eriisho
reecho ndisarëkiri, nokumanya
mo-keng'uuri.



Taanyi-ho omooto uno aghotora
kobhahökëri abhatëmi bhabhere.
Mbe, noghotora korihökëri
Eryobha hamu obhwame.



Motabha na ahaho ighoro e rosiko
ruure rokuucha. Mubhutabhare
singa obhutëmi bho Ryobha,
moramara amang'ana aghande
ngakurööbhëra.



Moghahikeerani ghano nekobhabhoorera. Niho moghotuubhaana
no omooto uno abhëkiri anyumba yaache ighoro e riitare. Amare
moraanga ghuköra hang'u, moghotuubhaana no omooto uno
abhëkiri anyumba yaache ighoro e mwishekeenya.



Orosiko rumu, erikinda re bhaato ndeere riikomiine mo-nyumba imu ino Yesu are, mo-moghya o Kabherenawumu.

Totaaghotora naabha ghusöha mo-nyumba.

Nekwëndëru tomusöhi iwe ne eriighotoro reeche kohetera mo-ghisara ke nyumba iyo.

Nibhu aghotora omooto uno ghosiikëra hang'u?

Nakwirëng'aani ne Eryobha.

Eryobha eryene chiri, niryo reghotora kwabhëra amasari.

N-diihë rino reenyi ihoho? Komobhoorera omooto uno akuure eribhaara, "Wabhiiru amasari ghaacho," ghasi "Imeerera ughëndë."

Aa! Neke keenyi iyo ighoro?


Mobhatighe! Abhasaani bhaane bhayo, obhokumi bhoobho m-bhokoro.

Wabhiiru amasari ghaacho.

Masiya naanyi no obhotoro bho koruusi amasari. Amare, wiiki nebhugha kubha, Imoki eriighotoro reecho ughëndë.




Amare taanyi bhoose
:bhaachömiiru na amaköri
amachömu gha Yesu.
Abhakangati bha tiini
bhaghiisuncha aribha Yesu
naghutambana chaasughara
che Riikane. Mo-se e Isiraeri,
:mbaangiri abhaato bhataköra
emeremo ghyoghyose,
mo-rosiko kinya runo.



Hano omokindighano o bhaato wēngiire, Yesu na
abhaanabheegha bhaache, bhaghatiira mo-bhwato
bhaghatēēnya anyancha e Ghariraaya.





Omutēmi
totoori!
^Tookameru!




Ngwake ^moghatiina?
Kana, obhokumi
bhoonyu m-bhosuuhu?






Bhakabhüböhä obhwato bhoobho ahaghiro hano hahörëëriri, hataanyi ne emekunda ghe manche. Amare mo-gheghoro...

Naanyi-ho omooto o koroghoori
uno amanyiri mo-bheghoro...




Kawuyo!
Heeya aa!

Kawuyo
akuucha!



Oo Yesu!



Neke okwēnda
ghokoone,
Yesu Omoona
o Mutēmi
Waryobha?

Motighe,
omusambu!




Eriina reecho
niye we?




Nekobherekeru Omukēēya, gho
kubha itu m-bhaaru toonyi







Notwisherereri
tochisöhērērē
chambeechi chiyo.


Mughëndē!








Tomaso na Mataayo (uno hayo ekimbērē are omutōbhi o righōōti o mo-bhukangati bho Keruumi)...



Tataayo na Yakobho owonde...



Simiyooni (omwigharurani o hēēnē hēēnē) na Yuuta Isikariyoote...




Mughëndē. Wowoose uno akobhasong'aana inyu, nansong'aaniri eni. Na wowoose uno aghonsong'aana eni, namosong'aaniri uno antomiri.



Omunōghō m-mwaru, amare abhaghēsi m-bhasuuu. Musabhe Omutēmi wuure omwene omoghondo, kubha atome abhaghēsi bhaaru bhatore ghughēsa omunōghō.

Mbe, abhatomu bhano ikomi na bhabhere bhaghagharuka gho ghuchōmēru chwee ighoro e meremo gheebho ghe bhotomu. Ghaache koheta ghayo, Yesu akēēnda ghuye nabho ahaghiro ha kibhacho, amare amakinda gha bhaato, ghatēēndiri kobhatigha.



Yesu akëëndërëra wiiki kobharaghaneri na kobhahöri abhabhabharu. Ibheere reghasikera.

Bhiiribho, abhaato bhano
bhoose nibhu bhaghotora
kubhöna ebhiinyakurë? Mbe,
mobhahë inyu ebhiinyakurë
bhyobhyose bhari.

Nokwënda tughëndë tobhaghorere
emighaate gho chatinaari amaghana
abhere, tobhahë bhari?


Naanyi hano omoona umu anyi
ne emighaate etaano ne ehese
hibhere. Ghetaanyi-ho
ghyokyose ghokera hayo.

Mobhabhoorere abhaato
bhiikare haase
mo-makinda gha bhaato
miröngö etaano etaano.

Yesu aghiitabheri
Eryobha...

Akëëndërëra
kobhahööhi
emighaate ghiire ne
ehesu hiire.

Ebheku bhe bhaato bhakaraaghëra hano
Yesu ëngiire ebhiinyakurë bhiyo.



Nekwëndëru
tomuhake amaghuta
kubha abhe omutëmi.



Uno hëënë niwe Masiya
wuure itëng'iiru kuucha.

Mbe, morighi.
Mbeenyi-ho ebhetonga
ikomi na bhibhere
bhiichwire ebhiinyakurë
bhino bhisaaghiri.




Eriibhagha ^rekahika abhaato bhano
bhaghëndë bhowaabho. Inyu motiire
mo-bhwato bhoonyu kubha mutëënyë. Eni
^neghasaagha hano a-gheghoro nisabhe.





Hano
amariri...



Ahee! Kino n-ekehu!

Motatiina,
n-eni.



Omutëmi, aribha
n-iye, mboorere
niiche ghokoocho
neraghënda
ighoro e manche.

Mbe,
nuuche
Bheetero.



Omutëmi
ontoori!



Ngwake
ughööturu
na ahaho,
Bheetero?

Mbaare-ho abhaato bhano
bheendiri komuhaka Yesu
amaghuta kubha abhe omutëmi.
Ibho :mbiitëng'iire kubha
mo-bhukangati bhooche,
nakobhoruusi obhukangati bho
Keruumi. Nangabha :ghaare
hang'u, abhiigharurani bha Yesu,
bhakiyëngëra chwee.
Bhakëëndërëra komutëma amasoro
chaasiko choose. Bhakëënda
komuchöngëra na komobhihera
mo-bhaato na komosireekereri.



Omutëmi nyingake
:ohikiri hano?

Kana, moghuntabhara gho
ghiri e mighaate ghiire
:neebhaheere?



Motiinyaaki ighoro e
kiinyakurë kino ghekobhusha,
amare mutabhare ekiinyakurë
ke bhuhöru bho miishe
ghyose.



Eni neeni omughaate o
bhuhöru. N-omobhere waane
niwe okorusibhu gho ghiri e
bhuhöru bho mo-se ino.



Kana, nibhu
aghotora omooto
uno ghotuha
omobhere waache
kubha towurë?

Ghano
n-amang'ana
gha
ghitaraaho!





Mbe,
ntughëndë
tomotighe.

Uno nakwërëkëra
komong'iina
omooto woose.



Kana, inyu
bhoose
mokwënda
ghontigha?

Omutëmi, tughëndë wa we? Iye noonyi
na amang'ana ghano ghakurëëtëra
abhaato obhuhöru bho miishe ghyose.




Anche e moghya o Yerusareemu mara kaaru abhaato mbaare bhariitu-ho gho kumambu, iyo niyo ere anchagho ambe e roko e Bharuumi.



Aribha omooto wowoose akwënda kubha mughëndi waane, imoki omusarabha waache, antambane.

Omooto wowoose uno akwënda kuhöni eriimanya reeche omwene, nakorebhori, amare uno akobhori eriimanya reeche gho ghiri yaane, nakorihöni.



Nokwëndëru umënyë kubha ndeenyi-ho Eryobha rimu hang'u.



Ang'ana ankoro n-koresiigha Eryobha reecho gho körö yaacho yoose, na kobhasiigha abhaato abhande kinya bhuno wisiighiri iye mwene.



Kwo riibhagha riyo mbeere-ho ebhyaro bhe bhabhabharu bha mbiti mo-Bhiisiraeri. Ambiti n-obhubhabharu bho ghotiini. Bhano :bhaare bharaghöötü no obhubhabharu bhuyo, bhatiishereriiru ghwisangerani na abhaato abhande.

Abhabhabharu bha mbiti mbaare bharaköra eriireghe hohoose hano bhaaghuye kubha, bhabhamënyi abhaato abhande kubha mbakoheta.

**Mwikabhaahe,
abhabhabharu bha
mbiti ^tokaheta!**



Omutëmi Yesu!
Otoghwere ebheghongi.





Abhakangati bha
Bhayahuuti, mo-moghya o
Yerusareemu,
bhakabhatoma abhaato
bhaabho o-Yesu kubha
bhamoseghaayi hano
akubha mo-rughëndö. Ibho
mbaangiri inkong'orimu
amahöki ghaache gha
hëënë.

Naghöötiine na abhaato bha chatëëmö chambe
kinya bhuure abhataari, na abhatöbhi bha
righööti bhano bhakuhökëri Abharuumi...

Masiya niichiri
ghutabhara
bhano bhabhoriri
kubha abhatoori.




Gho kubha Yesu
nahaahöri abhabhabharu
orosiko ro Riikane...

Höra!





Na abhaana
nabhasiighiri chwee...

Mobhatighe abhaana bhayo
bhaache ghokoone. Obhutëmi bho
Ryobha m-bho bhaato bhano
bhanga kinya abhaana bhano.




Yesu akabherekeru aghi
Bhetaniya, mo-kyaro kino keenyi
haghuhe na Yerusareemu.
Rasaaro naare mubhabharu.
Rasaaro haghirohamu na
abhasubhaati bhaabho bhabhere,
Marita na Mariyamu, mbaare
abhasaani abhakoro bha Yesu.
Yesu hano ahikiri Bhetaniya, hayo
haya akabhöna amang'ana kubha
Rasaaro :naaryekuru chaasiko
inye chino chehetiri.





Abhakangati bha Yerusareemu bhaakabha na ahaho inkoro ighoro e Yesu na abhaghëndi bhaache.



Omooto uno naghuköra ebhiraghe bhyaru chwee.

Toratigha amang'ana ghano ghëëndërërë, Abharuumi mbakuucha bhatukararere chwee.

Mbakuhaanyura Erisëngërö riito na koyesireekereri ase yiito!

Muhökëri amang'iini ghaanyu. N-ng'oni kubha omooto umu aku gho ghiri e se yiito, ghokera ase ingima esireekereru.



Kiyo nikyo gheghughëri Yesu itu.


Korwera eriibhagha riyo, abhakangati bha Bhayahuuti bhaakabha bharatabhara omweya o komuhaana Yesu mo-Bharuumi, nibho abheene chiri :bhaare no obhotoro bho koruusi anchagho e roko.

Ekeeniyuma hayo :niiköruru anyangi iyo Bhetaniya...




Ebheneeso bhiyo
mbeenyi ne eriighori
ikoro chwee.

Mariyamu!



Mbengatoriri
ghoghoru
bhahaabhu
abhahabhe
chambiiri chiyo.





Momotighe omukari uno,
Yuuta. Nawuhakiri
omobhere waane
amaghuta gha keneeso
ghusëemi koryeku koone.

Anyangi e Bhaasaka neere ^eghating'i. Amakinda gha bhaato :ngaaköriri orughëndö kwërekëra Yerusareemu.




Mo-moghya o Yerusareemu, abhakangati bhaghatabhara anchëra e komughöota Yesu. Nangabha ere hang'u, iwe aghaye.





Erisëngërö rino reere
mo-moghya uno omokoro
niho :haare ahaghiro
ahakoro ha ghusëngëra.



Eriibhagha re nyangi e
Bhaasaka, abhaana bha
chang'öndu mbaare
bharasinchu.



Ebhyemo ebhimu bhe
chang'öndu :mbeeruusiibhu
amaruusi mo-Risëngërö gho
ghiri e kobhaghöötani
abhaato ne Eryobha.



Amare, amaruusi ke gha
moona o ng'öndu ghaghotora
hëënë koruusi abhaato
amasari ghaabho?




Mo-ribhancha re Risëngërö,
abhaato :mbaaköriire-mu
obhosorocha na ghokerani
chambiiri.



Eriibhagha riyo, Yesu
woose akahika hayo.





Anyumba e Ryobha
nekwëndëru kubha anyumba
e masabhi, amare inyu
^mokayigharura kubha
akööbhö e bhiibhi!




Uno nakwërëkëra kubha
omooto mobhe, amare
abhaato mbaghokumi kira
ang'ana ino aghosiikëra.



Mahëënë, ntokwëndëru
tutabhare anchëra e
komosireekereri.




Aribha toramutabharera anchëra, ntoghotora komughööta. Hayo niho tokomwita.



Amare etabha eriibhagha re nyangi. Totaakwënda anyööri yoyoose iköru eriibhagha re nyangi e Bhaasaka.

Mokuuha hang'ana hayi aribha neramuhaana Yesu ghokoonyu?

Uyo niwe Yuuta, umu o bhaanabheegha bhaache.




Nekomuhaana Yesu ghokoonyu.


Ntoghokuha ebheteneka bhe chambiiri miröngö etato, oramuhaana Yesu ghokwito. Ebheteneka bhiyo mbeere bheratora ghoghora omusësë umu.



Hano orosiko ro nyangi e
Bhaasaka roore rokeere
kohika, Yesu akahökëri
chaasiko cheeche gho
kuraghaneri abhaato Ang'ana
Anchömu Mwisëngërö,
nangabha abhakangati
eriibhagha ryose mbaare
bharamuhööchërëra kubha,
ataköra hang'u.




Eriibhagha re mughöröobha, Yesu na
abhaanabheegha bhaache ikomi na
bhabhere bhaghatëmëërana mo-moghya,
kubha bhari anyangi e Bhaasaka.



Neghuköra
hang'u obhotiko
bhuno.







Niighombiri chwee kurë anyangi ino e Bhaasaka haghirohamu na niinyu nekeere kunyaakibhu.

Abhakangati bha se mbahaakangata abhaato gho changuru, amare inyu, motasaki ghuköra hang'u.

Omutamishi o bhoose niwe akubha omukangati waanyu.




Eni neenyi ghathe yaanyu kinya omutamishi.





Omutëmi, iye nokonyishaabhi amaghoroni? Tiyaanyi, tookonyishaabhi naabha!

Aribha eni nteeghghwishaabhi amaghoroni ghaacho, Bheetero, iye tookubha no obhumu na neeni wiiki.



Omutëmi, mbe, nonyishaabhi taanyi amaghoroni agheene, amare na amabhökö no omutu woose!

Wuure amariri ghwishaabha taakwëndëru ishaabhe wiiki, nanyinga amaghoroni



Inyu mokomberekera eni Omutëmi no Omweghi, moghosiikëra bhoheene, mahëënë hang'u neenyi. Gho ghayo gho kubha eni nebhiishaabhiri amaghoroni ghaanyu hang'u hang'u na niinyu mokwëndëru ghukörërana kinya nebhaköriire eni.



Umu ghatë yaanyu nakonyiighar urani.


Tiyaanyi naabha!

Taanyi eni, ango?



Kiire okwënda ghuköra, Yuuta, ghikörë bhwango.






Mukörë hang'u mara
kaaru, gho koghiita eni...



Mwimoki omughaate
uno, niwe omobhere
waane.




Mwimoki eghisënchö kino,
nigho amasaahë ghaane ghano
ghaghwitëka gho ghiri yaanyu.
Gho nchëra ino, Eryobha
ndeghuköra eriiraghano erihë
na niinyu.



^Nekabhaha inyu
omoghiro omuhë,
mosiighane kinya bhuure
eni nebhasiighiri inyu.

Aribha mörëërëki obhosiighi kinya
bhuno ghatte yaanyu, abhaato
bhoose mbakumënya kubha inyu
n-abhaanabheegha bhaane moonyi.



Omutëmi, eni neghoghutambana
hohoosë. Nekoruusi eriimanya
reene gho ghiri yaacho.



Bheetero, eriibhagha
asërëëcha ekeere
ghughamba, iye nookubha
onyangiri ghatato.

Bhakamara omughöröobha uyo, Yesu na abhaanabheegha bhaache bhakahoroka mo-moghya. Yuuta taare haghirohamu nabho.

Eni ^nekabhatigha, amare Taata nakobhatomera Akörö Ahörëëru. Iyo nekobhatoori na neekubha na niinyu eriibhagha ryose.

Inyu mweche anchëra ino neeghuye nayo na ahaghiro hano neeghuye.

Eni n-anchëra e hëënë no obhuhöru. Taanyi-ho omooto wowoose uno aghotora kuucha gho Taata, amare, nanyinga gho kohetera eni.

Mwikare hano. Eni ^neeghaye ambërë hasuuhu ghusabha.

Taata aribha ekubha onduuseri anyaako ino.

Amare etabha kinya nekwënda, amare ibhe kinya iye okwënda.



Moghotora inyu komisi eriibhagha
iköng'u kinya rino? Mbe, mobhooke.
Wuure akonyiigharurani ^akahika.



Momughöötë uno
nekomutahata.



Oo Omweghi!
^Neghaghukëeri,

Yuuta, kana,
^okamwigharurani Masiya
gho komutahata?



Omutëmi,
turöönë nabho?



Tiyaanyi,
motighe.



Yesu akabhiisherereri bhamwimoki. Abhaanabheegha
bhaache bhakang'ösa gho ghusanchana.

Yesu akahiru mo-Muchaama Omokoro uno anyi omokoro o bhakangati bhoose bha Bhayahuuti. Bheetero na Yohana bhakamutambana Yesu gho kurë.



Bheetero aghasöha mo-riigho re Muchaama Omokoro.



Kana, iye toore nawe?



Tigha obhuraghaanu. Eni koru ntemweche omooto uyo.

Iye n-umu ggate yaabho ghasi tiyaanyi?



Tiyaanyi! Naabha ntemweche.


Neenyi no obhuhëënë kubha, iye niho ore! Gho kubha iye woose m-Mughariraaya onyi!



Woori! Ntyeche koru kino oghosiikëra.



Yesu akarëëtu ambërë e Bhiraato, omukangati o Bharuumi. Abhakangati bha Bhayahuuti bhakabhaseesi abhaato. Bhaghaköra eriireghe na koruusi amasëmö gha manga haghare haghare.



Iye nibhu okobhugha ighoro e masëmö ghano ghoose? Kana toonyi na re ghugharokeri?



Kana neke uköriri?

Eni niichiri ghughambera obhuhëënë.







Obhuhëënë n-ghentoke?




Nteekorighi eriisari ryoryose ighoro e mooto uno. Mo-nyangi e Bhaasaka, nekomotighooroka we? Bharaabha ghasi Omutëmi o Bhayahuuti?









Bhiraato aghiishereri ateneru ekiina ghe ghwitu. Anchagho e ghwitu, gho kumambu, neere anchagho e ghotiini chwee. Yesu akawiimoki omusarabha, uno ore egheghiro ghe kunyaakeri, akaheta nawe ghateghate e moghya.




Hano, abhaashirikare bhakamutëmëërëra Yesu mo-musarabha ne emesumaari, mo-mabhökö na mo-maghorö.



Ghakaandëku amandëkö gha
bhighambo bhitato na gthooru
ighoro e musarabha,
ghakaandëku hang'u, "Yesu,
Omutëmi o Bhayahuuti."

Yesu akaanga kunyo
ekinywebhu ghe
ghosuuhi obhororo.

Abhaashirikare
bhaghatëmëra akuura
changibho cheeche.



Hee, kana, tobhatooriri
abhaato abhande?

Aribha iye n-Omoona o
Ryobha, mbe, nwife
koru mo-musarabha.



Wiitoori iye
mwene, na
niitu ototoori!

Iye tokoretiina Eryobha naabha.
Itu ntobhwine ghano
ghaturëng'aaniire, amare omotoo
uno, taaköriri ryoryose ibhe.

Ohiite eriibhagha oghusöha
mo-bhutëmi bhoocho.

^Neghakobhoorera kubha
hëënë, reero ino nookubha
na neeni mo-chaasare.



Hano ehikiri chaasa ishaasabhe
che mwishe, eryobha reghatigha
kurëngaari. Haakabha ne
ekeng'uuri.



Mariyamu, nyina Yesu, no omoonamwegha
Yohana, :mbiimeeriire haghuhe no omusarabha.

Ibheere inyu,
n-omoona na
nyina.



Oo Eryobha reene,
Eryobha reene ngwake
^oghantigha?

Nekooghu
anyööta...




Taata, mo-mabhökö
ghaacho ^nekayetoora
akörö yaane.



^Ghaka ...
^ghakahikee
rana.



Yesu aghaku mo-chaasa
kende che mughöröbha.
Omoshirikare umu
akamong'uuta Yesu eriitimo
mo-rubharu, ghaakaru
amasaahë na amanche.



Ebhitabhu mbekobhugha
kubha, “:Naakangaturu
kinya omoona o ng’öndu
ghuye ghosinchu.”



“:Mbaamong’uutiri na
komutëma gho ghiri e
masari ghiito.” Amare
ibheere nakuure.




Kana uyo niwe Masiya uno
:twitëng’iire kubha
nakuucha, ghasi taanyi we?



Mbe, ntughëndë tusabhe
bhatwisherereri ghotuha
erihundughu, toreryeke.



Yusubhu o Arimataaya na Nikoteemu bhakawiimoki
omobhere o Yesu. Bhakawunaareri asanda
haghirohamu na amaghuta gha keneeso,
bhakawotoora mo-mbeehera. Bhaghatoora
eriibhohe ikoro mo-ghisëku ke mbeehera.



Hano chaasiko che koweera che
nyangi e Bhaasaka chehetiri,
abhakari nyarebhe, bhano
:bhaare na amacheeche,
bhaaghaye mo-mbeehera yiire.



Ngwake moghutabhara uno
anyi omuhöru mo-bhano
bhakuure? Naryokiri!
Mughëndë mobhabhoorere
abhaanabheegha bhaache.



Eriibhohe
ndehiringituru kurë
na ambeehera!





Hano bhooghwire
hang'u, Bheetero na
Yohana bhaaghaye
bharahë mo-mbeehera.



Neke
kerweriire?

Ambeehera
m-bhoowa
enyi!





Orosiko ruyo, abhaghëndi bhabhere bha Yesu, bhano :bhaare bhakuure omukörö, bhaghatëmëërana no omoto mo-nchëra, bhaakabha bhararë nawe amang'ana ighoro e ghwitu kwo Yesu...

Kana, inyu motaghoghiishereri ghaare ghoose :ghaaghamburu na abharöoti? Kana, tyëndiiru Masiya anyakibhu kubha atore ghusöha mo-bhutëmi bhooche? Ghayo ghoose ngaandëkuru mo-Mandëkö Amatöobhiyu.



Hayo hayo, eribhagha re ndaaghëra omughëni waabho akabhora.

Amare, uyo n-Yesu are!



Bhaghatanura hayo hayo, ghuye kobhatabhara abhaghëndi abhande bha Yesu.

Ntomorooche Omutëmi!



Mariyamu na Bheetero bhoose mbamorooche!



Hayo hayo...

Nëköbhëëndër a omurëmbë.





Kana, inyu motaaghokumi kubha eni niwe? Mumöohi amabhökö na amaghorö ghaane.




Omutëmi waane ne Eryobha reene!



Yesu akabharwera
abhaanabheegha bhaache
gho chaasiko miröngö ene.
Koru akiyëërëkani mo-bhaato
amaghana ataano kwo
riibhagha rimu. Orosiko rumu
abhaanabheegha bhaache
abhamu bhaakabha
bharaweesana chaasu
mo-nyancha e Ghariraaya.





Kana, Bheetero, iye
hëënë nonsiighiri?




Yesu akamobhoori
Bheetero, eribhoori kinya
riyo mara ghatato...



Hee, Omutëmi iye
weeche kubha
neghosiighiri.

Tugha chang'öndu
cheene!



Ntambane!

Nihaabhuru obhotoro bhoose
mwishaaro na mo-se. Mughëndë
mo-se, mobhakörë abhaato bha
matöngö ghoose kubha
abhaanabheegha bhaane.
Mobhabhatiise kwo riina re Taata na
re Moona na re Körö Ahörëëru.
Mobheeghi ghughööta amëërëkërëri
ghoose ghano nebbabhooriire.



Mohiite kubha eni neenyi haghirohamu na niinyu
eriibhagha ryose mbagha antenero e se.

Hano amariri amang'ana
ghayo, Yesu akaru
mo-se na kwimokibhu
Mwishaaro. Amare wiiki
nabhughiri kubha,
naghugaruka
kobhatenera ekiina
abhaato bhoose...


Yesu aghaye. Abhaanabheegha bhaache bhaghaghanya mo-moghya o Yerusareemu bharasabha. Akörö Ahörëëru e Ryobha ekabhiikera na ghusöha moose yaabho. Akörö yiire yiire ere moose e Yesu, ibheere nimanyiri moose yaabho. Ekabhasakeri kubha abhaato abhahë bhano bhakoruusi obhwibhateri ighoro e Yesu.

Oroko rotaatoriri komuhööchërëra Yesu. Eryobha :ndemugharokiiri obhuhöru bhooche. Eryobha :ndemuköriri abhe Omutëmi o Bhatëmi.



Abhaghëndi bha Yesu bhaaghaye mo-se yoose nangabha :bhaare bharaangu chwee.

Yesu n-Omoona o Ryobha!



Ang'ana iyo anchömu :niiraghiinu wiiki gho nchëra e chanyaarubha.

:Niimokiri amasari ghiito mo-mobhere waache omwene hano akuure mo-musarabha. Itu ntubheere kinya abhaku, kwo mang'ana gha ghuköra amasari. Korwera ibheere na kwëndërëra, ntoghotora kumanya kinya bhuure Eryobha rekwënda tumanye.

Ibheere abhaghëndi bha Yesu, mo-se yoose, mbahaatëmëërana na ghusabha haghirohamu na ghusöma Abhiibhuriya. Bhasuura omughaate na ghokenywera eghisëenchö ke divaayi, gho ghiri e kohlita oroko ro Yesu. Bhaghöötani obhosiighi bho Ryobha, bhuno bhoonyi moose e metema gheebho, na abhaatani bhaabho.



Yesu nakobhatoori
abhaato kohikeerani kino
Eryobha rekwēnda.



Yesu naghosiighiri!
Omwitabheri na
komusēngēra!



Mbe, gho kubha Eryobha
:ndeebhasiighiri abhaato bhoose bha
mo-se ino, koru rekamoruusi Omoona
waache omwene chiri, kubha omoto
wowoose uno akomokumi
atarumēēra, amare abhe no obhuhōru
bho miishe ghyose.

WILLEM DE VINK

ABHIIBHURIYA

Amang'ana gha Yesu ngaanyi mo-Bhiibhuriya. Ghetaanyi-ho eghitabhu ekende kino :ghiisömuru na kino gheghusömu ibheere ghokera Abhiibhuriya. N-eghitabhu kino ghiichwire ebhitabhu. Eghitabhu kino :nkiighëghiri emeeka egheku kimu na amaghana ataano (1500) kwandëka ebhitabhu bhyose bhino bheenyi-mu. Abhiibhuriya :niimaruru kwandëku emeeka egheku kimu na amaghana kende (1900) ghino ghehetiri. Nekomiri amang'ana maaru gha Ryobha ghano rehunywire mo-bhaato. Amang'ana gha Yesu ngakwërëki ahanene Eryobha kebhuno reenyi.


AMANG'ANA GHA YESU

Mo-bhiibhuriya mbeenyi-mu ebhitabhu bhine bhino bheghosiikërëra eriimanya re Yesu. Mbitaruru kwo mariina gha bhano :bhaandëkiri. Abhaandëki bhoose :mbaamanyiri eriibhagha re Yesu.

1. Mataayo - N-omughëndi o Yesu. :Naaköriri emeremo kinya omutöbhi o righööti. Iwe :naabhabhooriire abhaato kebhuno Yesu :anyaakiire abhaato bha Isiraeri. (Abhayahuuti).

2. Maariko - :Naare akeere omobhureni hano Yesu are araköra emeremo. :Naandëkiri amang'ana maaru ighoro e bhiraghe bhino :aköri Yesu.

3. Ruuka - :Naare omughabho. Iwe omwene taamumënyiri Yesu. Ruuka nakwërëki kinya Yesu :anyaakiire abhaato. Yesu ku vaanu vonda.



4. Yohana - Iwe woose n-omughëndi o Yesu are. Iwe nakwërëki inkong'orimu kubha Yesu n-niwe. Yesu n-Eryobha rino reere omooto rekabhatoora abhaato huuru koru mo-masari ghaabho.

OKWIBHORU KWO YESU

Mariyamu nyina Yesu, :naaghëghiri anda akeere ghokwiru. :Naare akeere kumënya omosubhe. Obhorwachi bho Ryobha mboore kubha Yesu ibhoru. Ekiraghe kiyo :ngeesiikëriiru mo-bhitabhu bhe kare, eriibhagha Yesu akeere kwibhoru. Iwe tiibhwiru kinya omosubhesubhe hamu omooto o bhwëra. :Niibhoriiru mwitore re koriisheru chang'ömbë, gho kubha toore-ho omweya mo-chanyumba che bhaghëni.

EBHIRAGHE BHE YESU

Yesu :naaköriri ebhiraghe bhyaru. Abhiibhuriya neghutara, :naaköriri ebhiraghe bhyaru ghokera 40 bhe kuhöri abhaato. Gho nchëra e bhiraghe, Yesu :nëërëkiri changuru che Ryobha no obhosiighi bhooche. :Nëërëkiri kubha Eryobha ndekwënda ghusakeri abhaato na kobhaköra bhabhe no oghuchömëru.



OROKO RO YESU NA KORYOKA KOOCHE



Ngwake Yesu :akuure? Amëërëkërëri ngaruusiibhu mo-Bhiibhuriya.

Eriibhagha erende abhaato bhoose ntoghuköra amasari. Amang'ana ghano ghataakoretogheri Eryobha na koriköra rikarare hamu kubha na amacheeche. Amang'ana ghayo ngahaabherekeru amasari. Amasari ghoose ngaghotora kuhööchërëra abhaato bhatabha no obhusaani ne Eryobha.

Kiyo nikyo :ghiighëriri Yesu akaacha. Gho kwiruusi kooche :niimokiri omwene anchagho e masari ghiito. Anchagho iyo neere oroko. Korwera hano Yesu akuure gho ghiri yiito, ntoghotora wiiki kubha abhasaani bha Ryobha. Amare ntokwëndëru ghusabha kwabheru amasari ghano tuköriri.

Yesu :naaryokiri koru mo-bhaku. Eryobha :ndeemuköriri abhe omuhöru wiiki. Kwo ng'ana, iyo Eryobha :ndeetwërëkiri kubha ndeenyi na changuru ghokera oroko.

Ibheere Yesu naanyi haghirohamu ne Eryobha. Na gho kubha m-muhöru anyi, eriibhagha ryose naghotora kubha omusaani wiito. Nakwënda ghototoori itu kumanya mo-nchëra ino eghotogheri Eryobha.

AMASABHI

Aribha oratuukuuna amasari ghano uköriri, wiiki örëënda kubha omusaani o Ryobha, noghotora ghusabha amasabhi kinya ghano:

“Eryobha rino reenyi no obhosiighi, ndensiighiri.

:Noomotomiri Yesu, Omoona waacho omwene chiri.

:Naakuure mo-musarabha gho ghiri e masari ghaane ghoose ghano :niiköriri.

Neghusabha onyaabhere amasari ghano :niiköriri. Neghohusasaama onyaabhere.

^Oghachömi, gho kubha Yesu noonyi eribhaara reene.

Eriibhagha ryose nekwënda nibhe omooto waacho.

Neghusabha ontoori nimanye eriimanya riire okwënda eni nimanye.

Ubhe haguhe na neeni eriibhagha ryose.

^Oghachömi gho ghugharokeri amasabhi ghaane.

Iye noghuköra ghoose ghano uraghiri!”

YESU NA NIIYE

Amang'ana gha Yesu ghataanyi na antenero. Yesu naare omusaani o bhaato bhaaru mbagha ibheere. Ase yiigharwire. Abhaato bhaaru bhataaghuköra orughëndö gho ghotiira chatikere hamu chabharaasi amare mbaghuköra orughëndö gho chamontoka na chandeghe. Amare rino retaaghughëri Yesu iyaahukani na niitu. Naghotoru kubha haghirohamu na niitu kinya bhuno are araghënda mo-se e Isiraeri. Taakorighibhu, amare iwe n-o hëënë hëënë. Nakwënda kubha omusaani waacho reero. Mutëghëërërë na noghotoru komosiigha iwe.

Kana, nokwënda kumënya ahanene ighoro e Yesu ne eriimanya reeche? Noghotoru ghuköra ghano ghakurööbhëra:

1. Sëëma ghusöma Abhiibhuriya iye mwene.

(gho ghetuubhaani: Sëëma ghusöma eghitabhu kino kyandëkuru na Ruuka).

2. Sëëma ghusabha

(siikëra ne Eryobha no oritëghëërërë iryo osiikërë naryo kwo mang'ana amahoho).

3. Siikëra na abhaato abhande ighoro e Yesu na Abhiibhuriya.

Yesu nakwënda abhaghëndi bhaache bhatëmëërane haghirohamu na gphotoorana omukörö na kwegha ahanene ighoro yaache.

Text and illustrations: Willem de Vink.

Copyright © 1993 Stichting Wereldtaal, Houten, The Netherlands.

Published in Dutch as "Jezus Messias".

Edition in Ikoma (Tanzania) © 2022

Digital copyright under the terms of the Creative Commons BY-SA license All rights of translation, reproduction and adaptation reserved for all countries.

e-mail : jmpbk.app@gmail.com

<https://www.jesusmessiahcomicmedia.com/Tanzania>

*YESU MASIYA: Ghano n-amang'ana gha hëënë gha Yesu Masiya.
:Naamanyiri Isiraeri emeeke ebheku bhibhere (2,000) ghino ghehetiri.
Omooto woose uno :atëmëriine nawe :naaroghooriri. Taanyi-ho omooto
uno :aköriri egheghiro kino :aköriri. Taanyi-ho omooto uno :asiikiire
egheghiro kino :asiikiire. Ebhiraghe :mbiiköruru hano Yesu are. Wiiki
:naarëëtiri oghuchömëru, ghuchömëru kwo bhaato bhoose bhano :ikeere
nabho na kwo bhano :bhaamutëghëëriire. Hayo hayo akaacha kubha
antenero. Abhabhisa bhaache bhakamunyëëta. Amare riyo retaaghëriiri
asirere hayo. Usömë iye mwene kebhuno gharweriire no orighi kebhuno
amang'ana gha Yesu Masiya ghakwëndërëra.*



*Language: Ikoma (Tanzania)
Eghighambo: Eghiikoma (Tanzania)
ISBN: 978-94-93178-11-3*